

ҚАЗАҚСТАН РЕСПУБЛИКАСЫНЫҢ  
МӘДЕНИЕТ ЖӘНЕ АҚПАРАТ МИНИСТРЛІГІ  
АҚПАРАТ ЖӘНЕ МУРАФАТ КОМИТЕТИ “ӘДЕБИЕТТІҢ  
ӘЛЕУМЕТТІК МАҢЫЗДЫ ТҮРЛЕРІН БАСЫП ШЫҒАРУ”  
БАҒДАРЛАМАСЫ БОЙЫНША ШЫҒАРЫЛДЫ



**ҚАЗАҚ ҚҰНТІЗБЕСІ**  
**2014**  
**Жылқы жылы**

АЛМАТЫ  
“ҚАЗАҚСТАН”  
2013

# **ҚАЗАҚСТАН РЕСПУБЛИКАСЫНЫҢ МЕМЛЕКЕТТИК ӘНҮРАНЫ**

Сөзі: **Ж. Нәжімеденов, Н. Назарбаев**  
Әні: **Ш. Қалдаяқов**

Алтын күн аспаны,  
Алтын дән даласы,  
Ерліктің дастаны,  
Еліме қарашы!  
Ежелден ер деген,  
Даңқымыз шықты ғой.  
Намысын бермеген,  
Қазағым мықты ғой!

## **Қайырмасы:**

Менің елім, менің елім,  
Гүлің болып егілемін,  
Жырың болып төгілемін, елім!  
Тұған жерім менің – Қазақстаным!

Ұрпаққа жол ашқан,  
Кең байтақ жерім бар.  
Бірлігі жарасқан,  
Тәуелсіз елім бар.  
Қарсы алған уақытты,  
Мәңгілік досындей.  
Біздің ел бақытты,  
Біздің ел осындей!

## **Қайырмасы:**

2014 – ЖЫЛКЫ ЖЫЛЫ

Қаңтар				Ақпаз				Наурыз					
Дс	6	13	20	27	3	10	17	24	3	10	17	24	
Сс	7	14	21	28	4	11	18	25	4	11	18	25	
Ср	1	8	15	22	29	5	12	19	26	5	12	19	26
Бс	2	9	16	23	30	6	13	20	27	6	13	20	27
Жм	3	10	17	24	31	7	14	21	28	7	14	21	28
Сн	4	11	18	25	1	8	15	22	1	8	15	22	29
Жк	5	12	19	26	2	9	16	23	2	9	16	23	30

Сәүір				Мамыр				Маусым					
Дс	7	14	21	28	5	12	19	26	2	9	16	23	30
Сс	1	8	15	22	29	6	13	20	27	3	10	17	24
Ср	2	9	16	23	30	7	14	21	28	4	11	18	25
Бс	3	10	17	24	1	8	15	22	29	5	12	19	26
Жм	4	11	18	25	2	9	16	23	30	6	13	20	27
Сн	5	12	19	26	3	10	17	24	31	7	14	21	28
Жк	6	13	20	27	4	11	18	25	1	8	15	22	29

Шілде				Тамыз				Қыркүйек						
Дс	7	14	21	28	4	11	18	25	1	8	15	22	29	
Сс	1	8	15	22	29	5	12	19	26	2	9	16	23	30
Ср	2	9	16	23	30	6	13	20	27	3	10	17	24	
Бс	3	10	17	24	31	7	14	21	28	4	11	18	25	
Жм	4	11	18	25		1	8	15	22	29	5	12	19	26
Сн	5	12	19	26		2	9	16	23	30	6	13	20	27
Жк	6	13	20	27		3	10	17	24	31	7	14	21	28

## 2014 – Жылқы жылы

Күннің шығу, бату мезгілдері мен ұзактығы, Айдың тууы мен батуы республикалық обсерваторияның Алматы қаласы үшін есептелген мәліметтері бойынша беріліп отыр. Секундтық уақыт бөлшектері көп жағдайда бүтінге айналдырып көрсетілді.

Айдың Жерді айналуы кезінде оның көрінетін кезеңі 24 сағаттан көп (ол шамамен 24 сағат 50 мин. тең), сондықтан Айдың кейбір түү және бату мезгілдері көрсетілмеуі мүмкін. Мұндай жағдайда тиісті бағанаға сзызықша қойылған.

**Ескерту:** *Күн мен Айдың батуы мен шығуының Астана мен Алматы арасындағы айырмашылығы бір сағатқа жуық. Қыс пен жазда бұл айырмашылық әрқиылды көрінеді. Қыста Астанада Күн Алматыдан бір сағат кейін шығады, жаз ортасында, керісінше бір сағат ерте шығады. Ал күн мен түннің теңелген мезгілдерінде уақыт бір-біріне өтеп жуық сәйкестенеді.*

\* \* \*

### **Ескерту:**

1. Күнтізбеке енгізілген мәліметтер, жекелеген материалдар “Қазақстан” ұлттық энциклопедиясынан, қазақ баспасөзінен, әртүрлі басылымдардан алынды.

2. Құрбан айттың бірінші күні мен православиелік Рождество – 7 қаңтар күні демалыс күндері деп саналады.

1991

Тәуелсіздіктің жиырмаса үшінші жылы

2014

# 1 ҚАҢТАР СӘРСЕҢБІ

Шығуы	08.24
Батуы	17.28
Ұзақтығы	09.04
Толық ай	
Тууы	21.38
Батуы	10.17

## ЖАҢА ЖЫЛ ҚҰТТЫ БОЛСЫН, АҒАЙЫН!

Қазақстанның Халық суретшісі Қастеев Әбілханның туғанына **110 жыл** (1904–1973)

КСРО және Қазақстан халық әртісі **Майқанова Сәбираның** туғанына **100 жыл** (1914–1995)

Қазақстанның еңбек сіңірген әртісі **Сыздықова Гұлзипаның** туғанына **100 жыл** (1914–1985)

Күйши, композитор, Қазақстанның халық әртісі **Есқалиев Эзидолланың** туғанына **80 жыл** (1934)

*Күнтізбенің анықтамасы*

### ӘБІЛХАН ҚАСТЕЕВ

Алматы облысының Панфилов ауданындағы Шеткін аулында дүниеге келген, жасында Түркістан – Сібір теміржолының құрылышына қатысан жас құдай берген дарқан дарынның түртпектеуімен 25 жасында ғана сурет өнері окуына түседі. Сурет көрмесіне 27-ден асқанда тұнғыш рет қатысып, “Тігін үстінде”, “Мектепке”, “Көгілдір кейлекті қызы”, т.б. туындыларын көрермендер төрелігіне ұсынады. Өнердің әртүрлі саласына бірте-бірте жетіле түскен суретшінің “А. Иманов”, “Ж. Жабаев”, “А. Құнанбаев”, “Ш. Уәлиханов”, “К. Әзірбаев”, “Ғ. Мұратбаев” секілді туындылары портрет жанрындағы шын шеберлікті паш етсе, композициялық тапқырлықты “Қыз ұзату”, “Келін түсіру”, “Қос күрбы”, “Қыз алып қашу”, т.б. картиналары айғақтайды, Абай шығармаларынан бастау алатын “Қыс”, “Жаз”, “Көктем” оны шебер пейзажист ретінде де танытады.

Ә. Қастеевтің өнері жоғары бағаланды – екі рет Қазақ КСР Жоғарғы Советінің депутаты болып сайланды, екі мәрте Еңбек Қызыл Ту, “Құрмет белгісі” ордендерімен, Мемлекеттік сыйлықпен марараптталды, Шымкент өнер училищесіне, КР Мемлекеттік өнер мұражайына есімі берілді.

1991

Тәуелсіздіктің жиырма үшінші жылы

2014

# 2 ҚАҢТАР БЕЙСЕНБІ

Шығуы	08.24
Батуы	17.29
Ұзақтығы	09.04
Толық ай	
Тууы	22.41
Батуы	10.45

## Күнтізбенің анықтамасы

### СӘБИРА МАЙҚАНОВА

(1-қаңтар бетін қараңыз)

Қызылорданың Сырдария ауданында өмір есігін ашқан, сол өмірдің аңыз дәмін қаршадайынан татқан Сәбира өнер өріне өрлеуін он сегіз жасында Қазақ мемлекеттік драма театрына қабылданудан бастады. Мұнда оның еншісіне тиген алғашқы рөл Бейімбет Майліннің “Майданындағы” Алтынай еді. Содан басталған сәтті жол оны замандастары мен абзал аналардың бейнелерін асқан шынайылықпен сомдауға жеткізді. М. Әуезовтің “Абай” романы бойынша қойылған спектакльді Ұлжан, С. Мұқановтың “Шоқан Уәлихановындағы” Зейнеп, F. Мұсіреповтің “Қозы Көрпеш – Баян сұлуындағы” Мақпал, Ш. Айтматовтың “Ана – Жер-Анасындағы” Толғанай, толып жатқан т.б. бейнелер көрмендерді шынайы сүйсіндірді.

С. Майқановаға әлем драматургиясында жоғары бағаланатын шығармалардағы кесек бейнелерді сомдай білу өнері де тән еді. Мольердің Фрозинасы, Гогольдің Мария Антоновнасы, А. Островскийдің Кабанихасы, М. Әуезовтің Көкланы мен Мөржаны, А. Чеховтың Маринасы соның айғағы.

Еңбек Қызыл Ту ордендерімен, медальдармен марапатталған өнер шебері Дулат Исабековтің “Мұрагерлерінде” өз бейнесі сомдалған Салиханы сахнаға шығару бақытына ие болды, Әшірбек Сығай “Сәбира Майқанова” атты ғұмырбаяндық хикаятын жазды.

1991

Тәуелсіздіктің жиырма үшінші жылы

2014

# 3 ҚАҢТАР ЖҰМА

Шығуы	08.24
Батуы	17.29
Ұзақтығы	09.05
Толық ай	
Тууы	23.46
Батуы	11.12

*Күнтізбенің анықтамасы  
(1-қаңтар бетін қараңыз)*

## ГҮЛЗИПА СЫЗДЫҚОВА

Қарқаралы перзенті Гүлзипа 19 жасында Қазақ драма театрының студиясына түскеннен бастап, оның сахнасында да ойнай бастады. Мұхтар Әуезовтің “Тұнгі сарынындағы” Топай тұнғыш рөлі болған Г. Сыздықова Ш. Хұсайинов, К. Куанышбаев, Ф. Мұсірепов, А. Қаңар, Ә. Нұрпейісов шығармаларындағы Менсұлу, Сайра, Күнікей, Фатима, Жаңыл, Ұмынай, Балжан, Қарақатын бейнелерін сомдады. Кинофильмдерге де түсті.

## ӘЗИДОЛЛА ЕСҚАЛИЕВ

Атыраудың түлегі Әзидолла Есқалиев Алматы консерваториясының студенті кезінен бастап Қазақ филармониясының, одан кейін “Қазақконцерттің” домбырашысы болды. 1957 жылы бүкілодақтық және дүниежүзілік жастар мен студенттер фестивальдарының лауреаты атанды. Құрманғазы, Дина, Мәмен, Сейтек, Тәттімбет, Дәүлеткөрек күйлерін ғажап орындауымен тындаушыларын тәнті еткен ол, Чайковскийдің, Рахманиновтың, Моцарттың, Брамстың шығармаларын домбырада орындалап, ерекше шеберлігімен көзге түсті. Ол сондай-ақ “Жастар”, “Шатық” күйлерінің авторы.

1991

Тәуелсіздіктің жиырма үшінші жылы

2014

**4**

# ҚАНТАР СЕНБІ

Шығуы	08.24
Батуы	17.30
Ұзақтығы	09.06
Толық ай	
Тууы	--
Батуы	11.40

Спорттық жаяу жарыстан КСРО-ның еңбек сінірген спорт шебері, Мюнхенде өткен 20-ыншы Олимпия ойындарының (1972) күміс жүлдегері **Солдатенко Вениамин Васильевич**-тің тұғанына **75 жыл**.

*Күнтізбенің анықтамасы*

## ВЕНИАМИН СОЛДАТЕНКО

Солтүстік Қазақстан облысының Аққайың ауданында дүниеге келген Вениамин жасынан спорттық жаяу жарыспен шұғылданып, КСРО-ның жеті дүркін чемпионы, екі рет қола жүлдегері атанды. 1976 жылы Әлем чемпионы атағына қол жеткізді. Қазақстан спортының дамуына айтарлықтай үлес кости. Спорттағы жетістіктері үшін “Құрмет белгісі” орденімен, медальдармен марапатталды.

*Езутартар*

## ҚАЙ ТҮРЫС

Бір аупарткомның бірінші хатшысы мақталықты араламақ ниетімен бір шаруашылық соғыпты. Бір телімге келсе, жүйекке жіберілген су одан асып, даға жайыла бастаған көрінеді. Бұған ашуланған хатшы құлақ арық жағасында кетпеннің сабына сүйеніп тұрған сушыға бар қаңарымен:

– Бұл қай тұрыс? – деп айқайсалады.

– Қасқайып тұрыс, – дейді сушы міз бақпай.

Хатшы бөлімше менгерушісі көленкелейтін қос басына долдана жетіп:

– Анау сушыны құрт. Әкті жаз, – деп бүйірып, сушының сөзін жеткізе бастайды. Қараса, қағаз-қаламын сайлаған менгеруші ештеңе жазбаңты.

– Неге жазбайсын? – деп енді соған шүйлігеді.

Сонда менгеруші:

– Ол сушының пәмилесі Қасқаев, аты Тұрыс еді, – депті саспастан.

1991

Тәуелсіздіктің жиырма үшінші жылы

2014

**5**

**ҚАҢТАР  
ЖЕКСЕНБІ**

Шығуы	08.24
Батуы	17.31
Ұзақтығы	09.07
Айдың соңғы ширегі	
Тууы	00.53
Батуы	12.11

Қазақстанның халық әртісі, әнші **Есімжанова Рабиғаның тұғанына 100 жыл** (1914–1986).

Педагогика ғылымының докторы, профессор **Жұмажанова Төкен Қонысбайқызының тұғанына 70 жыл** (1944)

*Күнтізбенің анықтамасы*

**РАБИҒА ЕСІМЖАНОВА**

Ақмола облысындағы Қорғалжын ауданының тұмасы Р. Есімжанова өнер жолын Семей облыстық музикалы драма театрында бастаған, кейін Қарағанды, Алматы театрларында Еңлік, Айман, Қызы Жібек бейнелерін сомдады. 1946 жылдан бастап әншілік өнерге біржола бет бұрып, Қазақ радиосында, 1960 жылдан өмірінің ақырына дейін “Қазақконцертте” әнші болды. Оның орындаудындағы “Әупілдек”, “Әпітөк”, “Гауңартас”, “Жалғыз арша”, “Жонып алды”, “Ләйлім”, “Маңмаңгер”, С. Кәрімбаев, Ш. Қалдаяқов әндері миллиондаған тыңдаушыларын сүйсінти. “Құрмет белгісі” орденімен марапатталған.

**ТОКЕН ЖҰМАЖАНОВА**

Тарбағатай ауданындағы Ақсуат ауылының перзенті Т. Жұмажанова ҚазПИ-ді бітіргеннен кейін орта мектепте, Семей пединститутында істеді. 1998 жылдан Алматы мемлекеттік университеттерінде профессор. Негізінен қазақ әдебиетін оқыту әдістемесі мәселелерін зерттеген ол осы сала бойынша Қазақстандағы тұңғыш ғылым докторы.

1991

Тәуелсіздіктің жиырма үшінші жылы

2014

# 6 ҚАНТАР ДҮЙСЕНБІ

Шығуы	08.24
Батуы	17.32
Ұзактығы	09.08
ДАйдың соңғы ширегі	
Тууы	02.01
Батуы	12.45

Биыл ағылшын философи, жаратылыстанушысы Бэ-кон Роджердің туғанына 900 жыл (1214–1292)

*Күнтізбенің анықтамасы*

## РОДЖЕР БЭКОН

Оксфорд университетін бітіріп, сонда оқытушы болып істеген, астрологияны корғағаны үшін 1277 жылы франциск іліміндегілер тараپынан құғындалған, абстракттық, негізсіз теориялық болжамдарды сынаған ғалым Роджер Бэкон “Үлкен еңбек”, “Кіші еңбек”, “Үшінші еңбек” атты энциклопедиялық туындылар қалдырған. Оларда Азия мемлекеттері мен халықтары туралы сол замандағы мағлұматтар жинақталған. “Үлкен еңбегінде” ол қыпшақ дасы мен оның тұрғындары жайында былай деп жазады: “Танаис (Дон) пен Этиль (Еділ) аралығындағы жерлер қаңыл аталатын командорға (көсем) қараған, бірақ оларды татарлар (Алтын Орда тұрғындары) бағындырған... Этильдің арғы бетінде татардың үшінші князьдігі бар, ондағы жергілікті халықты татарлар қырып тастаған, командар болса бұрынғы қаңыл атауын сақтап қалды. Бұл князьдік Этиль өзенінен, онтүстік жолмен аттанса төрт айшылық, ал теріскейдегі жолмен жүрсе екі ай он күндік қашықтыққа созылған жерді алғып жатыр”. Бұл аймақ кімдерге тиесілі екенін көзқарақты оқырман жазбай түсінеді.

Нақты тәжірибеге негізделген білім принципін ұстанатын Роджер Бэкон оптика мен механиканы дамытуды жақтады, математиканы бүкіл ғылымның “есігі мен кілті” деп білді.

1991

Тәуелсіздіктің жиырма үшінші жылы

2014

# 7 ҚАҢТАР СЕЙСЕНБІ

Шығуы	08.24
Батуы	17.33
Ұзақтығы	09.10
Д	Айдаң соңғы ширегі
Тууы	03.12
Батуы	13.25

КР Үлттүк Фылым Академиясының академигі, физика-математика ғылымдарының докторы **Тәкібаев Нұргали Жабағыұлының** туғанына **70 жыл** (1944)

*Күнтізбенің анықтамасы*

## НҰРҒАЛИ ТӘКІБАЕВ

Оңтүстік Қазақстан облысының Н. Хрущев тұсында Өзбекстанға беріп жіберілген Бостандық ауданының тумасы Н.Тәкібаев 1967 жылы Мәскеу мемлекеттік университеттің бітіргеннен кейін республикалық Академияның Жоғары энергия физикасы институтында кіші, ага, жетекші ғылыми қызыметкер болды. 1988 жылдан Ядролық физика институтында зертхана менгерушісі. 1999 жылдан Үлттүк Фылым Академиясының бас ғалым-хатшысы. Сонымен бірге 2000–2002 жылдары Азия елдерінің ғылым академиялары ассоциациясының бас хатшысы да болып істеді. Оның ғылыми еңбектерінің негізгі бағыты теориялық физика мен астрофизика мәселелері.

*Езүтартар*

## ЕҢДІ ҚАЙДА ЖОЛЫГАМЫЗ

Ашына екі тұлқі өзара әңгіме қызығымен желе жортып келе жатқанда, арт жақтан ат тұяғының дүбірі, иттің үргені естіліп қалады. Соны сезген біреуі:

– Ойырмай, аңшылар ізімізге түскен сияқты фой, – депті.  
– Солай секілді, – дейді екіншісі. Бірақ әңгімеге еліккен екеуі сонысын жалғастыра жүрсін жеделдетіпті. Аңшылар ұрып алардай жер тақағанда біреуі екіншісіне:

– Бұлай бірге қаша берсек екеуміз де аналардың олжасы болармыз. Бөлініп қашайық. Біріміз ұсталсақ та, екіншіміз құтылып кетерміз деген көрінеді. Осыны мақұлдан, белініп қаша бергенде, біреуі қалт тоқтай қалып:

– Әй, енді қайда жолығамыз? – депті.  
– Пешенемізге жазылғаны сол болса, тымак базарда жолығармыз, – депті екіншісі зытып бара жатып.

1991

Тәуелсіздіктің жиырма үшінші жылы

2014

# 8 ҚАҢТАР СӘРСЕНБІ

Шығуы	08.24
Батуы	17.34
Ұзактығы	09.11
Д	Айдың соңғы ширегі
Тууы	04.23
Батуы	14.12

Осман әuletінен тарайтын түрік сұлтаны **Бірінші Баязит Найзағайдың тұганына биыл 660 жыл** (1354–1403)

*Күнтізбенің анықтамасы*

## БІРІНШІ БАЯЗИТ НАЙЗАҒАЙ

Әкесі Бірінші Мұрат қайтыс болған соң таққа отырып, оның саясатын жалғастырган Баязит Батыс Анадолыдағы Ментеше, Айдын, Сарухан, Ирмиян жерлерін өзіне қараташ алды. Сол кезде оның қолбасшылық даңқы дуние жүзіне тарады. Мысырдағы алауыздықты пайдаланып, соған қарасты Сивас сұлтандығын, Жанық, Амасье бейліктерін, мәмлүктер қарауындағы Малатья, Эльбистан, Диварг қалаларын өз иелігіне қаратты, 1389 жылы 15-маусымда серб әскерлерін талқандап, ол елді бағындырды. 1393–96 жылдары Болгарияны, Македонияны, Фессалинаны, кейін Букіл Балқан түбөгін басып алып, түрік үстемдігін орнатты. Сонымен бірге “бір құдайға ғана жалбарынамыз” дейтін халықтарды ислам дініне енгізdi.

Еуропа елдері түрік үстемдігіне қарсы крест жорығын үйімдастырғанымен, 1396 жылы 25-күркүйекте Болгарияның Никополь қаласы маңындағы шешуші шайқаста түрік әскерлерінен қирай жеңілді. Осыған байланысты Баязитке “Сұлтан әл-Рум” (Ұрым-Византия сұлтаны) атағы берілді. Бірақ, неге екенін кім білсін, ең алдымен түркі халықтарын боданына айналдырудан бастаған Ақсақ Темір (қазақша Әмір Темір Көрекен) Түркияға да басып кіріп, 1402 жылы 28-шілдеде көзіргі Анкара маңындағы шайқаста түрік әскерін талқандап, өзін тұтқындағы. Баязит сол тұтқында жан тәсілім қылды.

1991

Тәуелсіздіктің жиырма үшінші жылы

2014

# 9 ҚАҢТАР БЕЙСЕНБІ

Шығуы	08.23
Батуы	17.36
Ұзақтығы	09.12
Д	Айдың соңғы ширегі
Тууы	05.32
Батуы	15.08

Италияның теңіз саяхатшысы **Веспуччи Америгоның туғанына биыл 560 жыл** (1454–1512)

Қазақ Ордасының ханы Тәуекел Ресей патшалығына тұнғыш елшілік (Құлмұхаммед елшілігі) жібергеніне биыл 420 жыл толады (1594)

*Күнтізбенің анықтамасы*

## АМЕРИГО ВЕСПУЧЧИ

Америка құрлығын білмейтін адамды бүгінде Жер жүзінен таба алмайтын шығармыз. Сол құрлыққа оны еуропалықтарға ашып берген Колумбтың емес, Америго есімінің берілуі неліктен? Банк қызметкері А.Веспуччи 1499–1504 жылдары Жана құрлықты зерттең, сапар тура-лы жазған кітаптары кеңінен тарапталды. Неміс картографы М. Вальдземюллер жаңа құрлықты Веспуччидің есімімен атауды ұсынды да, ол 1538 жылы Меркатордың картасына “Америка” атауымен енгізілді.

## ҚҰЛМУХАММЕД ЕЛШІЛІГІ

Қазақ Ордасының ханы елшіліктің алдына Ресей патшалығымен тығыз қарым-қатынас орнату, әскери одақ құру және өз інісі Ораз-Мұхамедті тұтқыннан босату міндетін қойды. Тәуекелдің көзделегені Ресеймен одақ арқылы Бұхар ханы Абдолламен күресін женилдегу болатын. Бірақ Ресей патшасы қазақ елшілігіне Бұхарға ғана емесе, Сібір ханы Көшімге де қарсы соғыс бастау, Ораз-Мұхамедтің орнына Тәуекелдің өз баласы Усейінді аманатка жіберу талабын көлденең тартты. Бұл талап Қазақ Ордасын саяси кіріптарлыққа түсіру мақсатынан туындаған еді. Ал Тәуекел хан мұндай талапқа көне алмайтын.

1991

Тәуелсіздіктің жиырма үшінші жылы

2014

# 10 ҚАҢТАР ЖҰМА

Шығуы	08.23
Батуы	17.37
Ұзақтығы	09.13
Д	Айдың соңғы ширегі
Тууы	06.36
Батуы	16.12

Химия ғылымының докторы, профессор **Молдабеков Шаяхметтің** тұғанына **75 жыл** (1939)

*Күнтізбенің анықтамасы*

## **ШАЯХМЕТ МОЛДАБЕКОВ**

Оңтүстік Қазақстан облысындағы Шұбар ауылында дүниеге келген Ш. Молдабеков 1961 жылы Мәскеу химия-машина жасау институтын бітіргеннен кейін Қазақхимия-технология институтында асистент, аға оқытушы, Мәскеу аспирантурасын бітіргеннен кейін кафедра менгерушісі, проректор, ректор қызметтерін атқарды. 2005 жылдан Қожа Ахмет Иассауи атындағы халықаралық қазақ-түрік университетінің кафедра менгерушісі. Ш. Молдабековтің негізгі еңбектері өндірістің қалдық газдарын құрамындағы аса зиянды, улы элементтерден арылтудың ғылыми негізін жасау мәселелеріне арналған. Фалым Еңбек Қызыл Ту орденімен, медальдармен марапатталған.

*Езумартар*

## **ҚАБЫРҒАДАН ЖАРАТЫЛҒАН**

Көп әйел алам деп қабырғасыз қалма, өйткені әйел еркектің қабырғасынан жаратылған.

*“Жас алаш”*

1991

Тәуелсіздіктің жиырма үшінші жылы

2014

# 11 ҚАНТАР СЕНБІ

Шығуы	08.23
Батуы	17.38
Ұзақтығы	09.15
Айдың соңғы ширегі	
Тууы	07.31
Батуы	17.24

**Был Азия туралы аса мол географиялық және тарихи материалдар қалдырган итальян саяхатшысы Марко Полоның туғанына 760 жыл (1254–1324)**

*Күнтізбенің анықтамасы*

## МАРКО ПОЛО

Әкесі Никколо мен ағасы Маттеоға еріп он жеті жасында Қытай сапарына аттанды. Әкелі-балалы үшеу Жерорта теңізі, Палестина, Кіші Азия, Ирак, Иран, Памир, Қашғария аркылы үш жылдан аса жол жүріп Қытайға жетеді. Бұл Шыңғыс ханың немересі Құбылайдың сонда Юань империясын орнатып, астанасын Пекинге көшіріп алған тұс болатын. Марко Поло тіпті император қызметіне де қабылданып, онда 17 жыл тұрды, Құбылаймен бірге ел аралады, қызмет бабымен Үндістанда болды. Теңіз жолымен 1295 жылы еліне оралды. Қалалар арасындағы соғыс әдептегі нәрсе болатын заман ғой, Генуя мен Венеция арасындағы соғыста тұтқынға түсіп, абақтыда пизалық жазушы Рустичеллоға өзінің естеліктерін жаздырыды.

Марко Поло еңбегі бүкіл Азия, Солтүстік Еуропа, бірқатар Африка елдері туралы құнды деректер береді. XIV–XV ғасырларда оның естеліктері Еуропаның бірқатар халықтарының тілдеріне аударылып, Азия картасын жасауға негіз болды. XV–XVI ғасырларда испан, португал теңіз экспедициясын ұйымдастыруышылар Азия құрлығы батыстан шығысқа қарай созылып жатқанын білді, бірақ Азия Еуропага жақын, батысқа қарай жүзе берсең Азияға жетесің деген қате қорытынды жасап, бұл қателік Колумбтың Американы ашуына мұрындық болды.

1991

Тәуелсіздіктің жиырма үшінші жылы

2014

# 12 ҚАҢТАР ЖЕКСЕНБІ

Шығуы	08.23
Батуы	17.39
Ұзақтығы	09.16
Жаңа ай	
Тууы	08.19
Батуы	18.38

Орта ғасырлардағы атақты француз жазушысы  
**Рабле Франсуаның** туғанына биыл **520** жыл толады  
(1494–1553)

*Күнтізбенің анықтамасы*

## ФРАНСУА РАБЛЕ

Қазақ оқырмандары орта ғасырларда өмір сүрген дуалы ауыз ойшылдар Гомермен, Дантемен, Шексипирмен қатар қоятын Ф.Раблемен “Гаргантюа мен Пантагрюэль” атты атақты романы арқылы таныс. Өйткені қазақ тілінде латын әрпімен 1938 жылы, орысша тұңғыш аудармасынан (нашар деп есептегетін) 21 жылдан кейін шыққан бұл романды заманында сауатты қазақтардың дені оқыған.

Дәүлетті адвокаттың отбасында дүниеге келген, монастырьда көне тілдер мен занбарды өз бетінше оқып, үйренгені үшін қудаланған, дін қызметшісі болған, бакалавр, доктор ғылыми дәрежесін алған Ф. Рабле әдебиет өлкесіне тек 38 жасында келді. Оның атағын бүкіл Еуропаға мәлім еткен жоғарыдағы шығармасында жазушы “не істесен де шектеу болмасын” деген принципті өзек етіп алғып, алғаусыз сатираға барынша ерік береді. Сол үшін дін тарапынан да, өкімет тарапынан да талай рет құғынға түседі. Бірақ, бақытына орай, білімді, ықпалды замандастары оны қызығыштай қорғайды, талай рет арашаға түседі.

# 13 ҚАНТАР ДҮЙСЕНБІ

Шығуы	08.22
Батуы	17.40
Ұзақтығы	09.18
» Ай 12-қантарда туды	
Тууы	08.59
Батуы	19.51

Ресей мен Қазақ Ордасы арасындағы қатынастарға елеулі үлес қосқан **Тевкелев Алексей Ивановичтің** (азан шақырылып қойылған есімі Құтлығұмхаммед Мамашев) туғанына **биыл 340 жыл** (1674–1766)

*Күнтізбенің анықтамасы*

## АЛЕКСЕЙ ТЕВКЕЛЕВ

Ресей императоры Бірінші Пётрдың тұсында-ақ патшалық қызметіне қатысып, тілмаш ретінде көзге түсken А. Тевкелев 1730 жылы кіші жұз ханы Әблілқайырдың Петербургқа келген елшілерін қабылдаушылардың қатарында болған және сол елшілікке жауап ретінде патша өкіметінің кіші жұзге жіберген елшілігін басқарды. 1743–59 жылдары патша өкіметі оны кіші жұз билеушілері мен Орынбор әкімшілігі арасындағы жанжалды реттеуге пайдаланды. 1751–59 жылдары Орынбор губернаторы И. Неплюевтің көмекшісі болып отаршылдық саясаттың сойылын соқты. Кезекті башқұрт көтерілісін басу кезінде қазақ даласына қашқан башқұрттарды кері қайтару ісіне араласты. 1760 жылы өкімет қызметінен босанды.

А. Тевкелевтің елшілік қызметі барысында жургізген мың беттен астам “Күнделігінде” қазақтардың қоғамдық-саяси, мәдени өмірі және ру-тайпалық құрамы туралы көптеген мәлімет бар.

1991

Тәуелсіздіктің жиырма үшінші жылы

2014

# 14 ҚАНТАР СЕЙСЕНБІ

Шығуы	08.22
Батуы	17.41
Ұзақтығы	09.20
Д	Ай 12-қантарда туды
Тууы	09.34
Батуы	21.03

КСРО-ның және Өзбекстанның халық суретшісі, КСРО Көркемсурет академиясының тольқ мүшесі **Таңсықбаев Оралдың тұғанына 110 жыл** (1904–1974)

Әскери ғылым кандидаты, профессор **Серікбаев Ким Серікбайұлының тұғанына 80 жыл** (1934)

*Күнтізбенің анықтамасы*

## ОРАЛ ТАҢСЫҚБАЕВ

Қарақалпақстанның Нұкіс қаласының тұмасы, ұлты қазақ Орал Таңсықбаев 1929 жылы Пенза көркемсурет училищесін бітіргеннен кейін ғұмыр бойы Ташкент қаласында турып, шығармашылықпен айналысты. Тұнғыш туындысы “Көш” Мәскеудегі Шығыс халықтары өнері Мемлекеттік мұражайынан орын алды. Атақты мұражайды қызықтырған ол еңбектің бояу үйлесімділігі мен композициялық тұтастығы еді. 1934–35 жылдары Өзбекстанның көне қалалары мен Қазақстанның Арап теңізі, Сырдария бойына жасаған шығармашылық сапары нәтижесінде туған суреттер топтамасымен 1935 жылы өткен Қазақстан суретшілерінің тұнғыш көрмесіне қатысты.

О. Таңсықбаевтың тамаша туындылары өзінің мемориалдық мұражай үйінде, Өзбекстан республикалық мемлекеттік өнер мұражайында, КСРО суретшілер одағының Мәскеудегі қорында, ҚР Мемлекеттік өнер мұражайында, т.б. мұражайларда сактаулы. Орекен бірталай туындыларын (“Сарқырама”, “Алматыдағы қыс”, “Іле өзенінің анғарында”, “Көктем”, “Қыс”, “Исатай мен Махамбет”, “Алатай”, “Арап теңізі”, т.б.) Қазақстан тақырыбына арнады. Суретші Өзбекстан Жоғарғы Кеңесінің депутаты болды. Ленин, З мәрте Еңбек Қызыл Ту ордендерімен марапатталды.

1991

Тәуелсіздіктің жиырмаса үшінші жылы

2014

# 15 ҚАҢТАР СӘРСЕҢБІ

Шығуы	08.21
Батуы	17.42
Ұзақтығы	09.21
Д) Ай 12-қаңтарда туды	
Тууы	10.05
Батуы	22.11

## Күнтізбенің анықтамасы

### КИМ СЕРИКБАЕВ

(14-қаңтар бетін қараңыз)

Ақтөбе Хромтауының Көптоғай аулында дүниеге келген Ким Серікбайұлы Қазақ мемлекеттік университетінде, Уфа әскери училищесінде, Мәскеу әскери академиясында оқыды. 1956–66 жылдары Қызыр Шығыс, Карпат баурайы, Мәскеу, Орта Азия әскери округтарында взвод, рота, батальон командирі, полк штабының бастығы, командирі қызметтерін атқарды. 1970–73 жылдары Мәскеу әскери академиясында Кубадан, Монголиядан келген офицерлерге жалпы тактикадан сабак берді. 1973 жылы Қазақстанға оралған ол жоғары әскери командалық училищеде, Алматы жоғары партия мектебінде кафедра бастығы, Б. Момышұлы атындағы республикалық әскери мектеп-интернат бастығы, Мемлекеттік қорғаныс комитеті төрағасының кеңесшісі, Президент аппараты мен Министрлер кабинетінің қорғаныс бөлімінің жетекшісі, басшы органдарда кеңесші болып қызмет етті. 2000 жылдан Қорғаныс министрлігінің әскери-ғылыми орталығында бас ғылыми қызметкер. К. Серікбаев 180-нен астам ғылыми еңбектердің, “Президенттік парыз”, “Тактика кафедрасында”, “Бауыржан Момышұлы менің өмірімде”, “Тәуелсіздігімізге – берік қорғаныс”, “Батыр ағаның шапағаты” секілді бірқатар кітаптардың авторы.

1991

Тәуелсіздіктің жиырма үшінші жылы

2014

# 16 ҚАНТАР БЕЙСЕНБІ

Шығуы	08.21
Батуы	17.44
Ұзақтығы	09.23
Дай 12-қантарда туды	
Тууы	10.34
Батуы	23.17

**Биыл Абайдың арғы бабасы, қоғам қайраткері, батыр, би Үрғызбай Айдосұлының туғанына 270 жыл толады (1744–1785)**

*Күнтізбенің анықтамасы*

## **ҮРГЫЗБАЙ АЙДОСҰЛЫ**

Үрғызбай дуние есігін ашқанда анасы Айпара “Шынжыр балақ, шұбар төс – Үрғызбайым” дейді екен. Жастайынан өлең сөзге жүйрік, ділмар болып өскен оны атақты би Кенгіrbай Жандосұлы қасынан қалдырмай ел-ішіндегі дау-дамайдың бітім-билігіне араластырады. Кейін сол тәлімнің ықпалымен өзі де құн дауы, жесір дауы секілді күрделі мәселелерді шешуге белсене қатысады. Ол кезінде жонғар шапқыншылығынан үдерे көшкен руластарын Шыңғыстау өніріне бастап әкеліп, қоныстандыруға зор үлес қости.

Үрғызбай жонғарлардан ел қорғауда батырлығымен де ауызға ілігіп, Абылай ханның жақын сырластарының бірі болды. Үлкен ас, дүбірлі жиындарда балуандығымен де атын шығарады. Атақты Ер Жәнібектің қызына үйленіп, одан Өскер, Мырзатай, Жортар, Өскенбай есімді үлдар сүйеді. Солардан Өскенбай елге қадырлы басшы, әділ би, дүлдүл ділмар болғаны белгілі. Оның есімі Шәкерім Құдайбердіұлы, Мұхтар Әуезов шығармаларында асқан ілтипатпен аталады.

1991

Тәуелсіздіктің жиырма үшінші жылы

2014

# 17 ҚАҢТАР ЖҰМА

Шығуы	08.20
Батуы	17.45
Ұзақтығы	09.25
Д	Ай 12-қантарда туды
Тууы	11.02
Батуы	--.--

**Биыл** қаракесектің биі **Шабанбай Қалқаманұлының** туғанына **260 жыл** толады (1754–1839)

**Биыл** Қаз дауысты Қазыбектің шөбересі, қоғам қайраткері, би, шешен **Алшынбай Тіленшіұлының** туғанына **230 жыл** толады (1784–ө.ж.б.)

*Күнтізбенің анықтамасы*

## ШАБАНБАЙ ҚАЛҚАМАНҰЛЫ

Шежіре Қаракесектің немересі Майқы, оның немересі Өтеміс, ал оның немерелерінің бірі Қалқаман дейді. Замандастары берген баға бойынша Шабанбай аса қарапайым, мейірімді адам, зерек, зерделі, көкірегі қазына, ақылға бай, ойы терең, толғауы кең, топшилауы жүйрік, алғыр да тапқыр әділ би болған. Ізбасарларын да тәрбиелеген Шабанбай би солардың бірі Жанқұттыға:

— Аллаға жағам десен, азанды бол, Халыққа жағам десен, қазанды бол, судай таза бол, жердей көтерімді бол, — деген екен.

## АЛШЫНБАЙ ТІЛЕНШІҰЛЫ

Айбике-Шаншар болысын ұзақ жылдар басқарған Алшынбай есімі елін шашау шығармай, уысында ұстаған алғыр да ықпалды би, сол кездे ел билеген Құнанбай, Шалғынбай секілді игі жақсылармен, от ауызды, орақ тілді Шөже, Жанақ ақындармен сөз қағыстыру арқылы тарихта қалды. Заманында ол ел ішіндегі жер, жесір дауын, болысқа қарасты екі ру арасындағы күрмеулі мәселелерді әділ шешкен. Оның бір сөзі былай келеді: “Он тенге түйе болmas, бес тенге бие болmas, өз малын азынып, біреудікін көспініп жүрген күншілдер өз малына ие болmas”.

1991

Тәуелсіздіктің жиырма үшінші жылы

2014

# 18 ҚАҢТАР СЕНБІ

Шығуы  
Батуы  
Ұзақтығы

08.20

17.46

09.26

Д) Ай 12-қантарда туды  
Тууы  
Батуы

11.30

00.21

**Биыл** Хиуа, Қоқан хандықтарының езгісіне, Ресей отаршылдығына қарсы ұлт-азаттық құрестің басшысы **Жанқожа Нұрмұхамедұлының** туғанына **240** жыл толады.

## *Күнтізбенің анықтамасы*

### **ЖАНҚОЖА НҰРМҰХАМЕДҰЛЫ**

Қазақ халқы ұзақ тарихында кімдерден зорлық көрмеген дейісіз. XIX ғасырдың бірінші жартысында Хиуа, Қоқан хандықтары, Ресей патшалығы бүйідей тиді. Орта Азия хандықтары қазақтың малын талап, адамдарын қырса, құлдыққа айдаса, әйелдерін, қыздарын қорласа, Ресей әскерлері де ойына келгенін істеді. Мұндайда ел арасынан еніреген ерлер шықпай қоймайды. Солардың бірі Жанқожа болатын. Халық әрине сондай жаужүректердің маңына топтасады. Хиуаның сойылын соққан қарақалпақ батыры Тықыны, кейінірек Созақта қоқандық палуан Тағанды жекпе-жекте өлтіріп, қазақ биі Сарманды өлтірген қоқан бектерін тұтқындал, Құрман бидің қолына береді. 1847 жылы орыс әскерлері сала бастаған Райым бекінісіне келіп, қарсылық көрсетеді, Орынбор генерал-губернаторы В. Обручевпен кездесіп, халық тыныштығын бұзбау сертін алады. Бірақ іс жүзінде басқаша болып шығады. Сондықтан Жанқожа 1856–57 жылдары халықты көтереді, бірақ сатқындық салдарынан женіліске ұшырап, Қызылқұм арасына сіңіп, жалғыз отырады. Соны пайдаланып оны орыс казактары өлтіріп тынады.

1991

Тәуелсіздіктің жиырма үшінші жылы

2014

# 19 ҚАҢТАР ЖЕКСЕНБІ

Шығуы	08.19
Батуы	17.47
Ұзақтығы	09.28
Айдың алғашкы ширегі	
Тууы	12.01
Батуы	01.23

**Биыл** 1723–40 жылдарғы жонғар шапқыншылығы түсінде Матай руының қолын басқарған **Бөрібай батырдың туғанына 320 жыл** (1694–шамамен 1756/60)

**Биыл** қазақ халқының жонғарларға қарсы күресіне қатысқан батыр, би **Боранбай Қалқаманұлының туғанына 310 жыл** (1704–1802) толады.

## *Күнтізбенің анықтамасы*

### **БӨРІБАЙ БАТЫР**

Батырдың экесі Сары мырза 1688–89 жылдары орыс патшалығымен келіссөз жүргізуге жіберілген қазақ елшілігін Тобыл қаласына бастап барған. Бөрібай батырлығынан бөлек, жалайыр, найман, қонрат жасақтарының басын біріктіріп, Сарысу өзені бойына қоныстандырған. Жонғар шапқыншылығының ең ауыр кезеңінде сол рулардың жаудан қорғануын ұйымдастырған. Сарысу өзені бойындағы бір шайқаста қаза тапқан. Оның ерлігін Серіз сері, Дәстем сал, Жанкісі жыраулар дастандар шығарып елге жайған, мүрдесі Қожа Ахмет Иассауи кешенине жерленген.

### **БОРАНБАЙ ҚАЛҚАМАНҰЛЫ**

Жас кезінде Түркістанда оқыған Боранбай Қалқаманұлының есімі тарихи-әдеби деректерде Қаракерей Қабанбай есімімен қатар аталады. Ол қазақ халқының тәуелсіздігі мен бірлігі жолындағы Абылай хан саясатын жүзеге асыруға үлкен үлес қосқан. Кіші жұз ханы Әбліқайыр қаза тапқанда оның ұлы Нұралыны таққа отырғызуға мұрындық болып, Орынборға барған сегіз бидің бірі Боранбай. Арғын-найман арасындағы жер дауының әділ шешілтуіне ықпал еткен де Боранбай. “Кім ұқпас Наймандағы Боранбайды, Бес байыс “Боранбай” деп ұрандайды” деген сөз сол заманнан қалған.

1991

Тәуелсіздіктің жиырма үшінші жылы

2014

# 20 ҚАҢТАР ДҮЙСЕНБІ

Шығуы	08.18
Батуы	17.49
Ұзақтығы	09.30
Дайын алғашқы ширегі	
Тууы	12.34
Батуы	02.22

**Биыл** Қазақстанның онтүстік өнірінде Қоқан хандығына және Ресей отаршылдығына қарсы ұлт-азаттық күресті ұйымдастыруышы батыр **Байзак Мәмбетұлының** (Байзак датқа) туганына **225 жыл** (1789–1864) толады.

*Күнтізбенің анықтамасы*

## БАЙЗАҚ МӘМБЕТҰЛЫ

Тұған өнірі әлі Қоқан хандығына да, Ресейге де қарамай тұрғанда ер жетіп, ел басшысы болып қалыптасқан. Оңтүстік өнірді Қоқан хандығы басып алғаннан кейін ағасы Бәйтөрекпен бірге сұлтан Рұстем Аспандияров бастаған көтеріліске (1821) қатысады. Көтеріліс женеліске ұшырап, көтерілісшілер қатты жа-заланғаннан кейін (Қоқан хандығына да ел билей ала-тын адам керек) Байзак өз руына датқа болып тағайындалады. Соған қарамастан Байзак тәуелсіз сая-сат жүргізуге тырысады, Кенесары Қасымұлының се-німді серіктерінің біріне айналады. Оның сарбаздары Қоқанның бірнеше бекінісін алады (1841), Созақ ай-мағын азат етуге қатысады, 1858 жылы қазақ-қырғыз көтерілісін басқарады. Орыс билігі орнай бастаған тұста Колпаковский әскеріне қарсы Ұзынагаштағы соғыс-қа қатысады. Датқалық қызметінде қазақтардың суар-малы диканшылыққа бет бұруына ықпал етіп, ұзын-дығы 160 километр бас арық қаздырады.

Ақырында Қоқан хандығының әкімі Әлімқұлдың пәрменімен зенбірек аузына байланып атылады.